

**STATUT I SHOQËRISË  
ME PËRGJEGJËSI TË KUFIZUARA  
“FIT ZONE” SHPK**

**Titulli I**

**Data e themelimit, Emërtimi, Objekti, Kohëzgjatja, Zyra Qëndrore, Forma e shoqërisë, Vula e shoqërisë**

**Neni 1: Data e themelimit, Emërtimi dhe Themeluesit**

1.1 Shoqëria “FIT ZONE” SHPK krijohet në datë 16.032021 nga ortakët si më poshtë:

1. **Z. Ardian Balaj**, shtetas Kosovar, lindur më 28.11.1980 lindur ne Prishtine, dhe banues në Prishtine, identifikuar me pasaportën me nr.K00878217, dhe nr.personal 1005946936, email: ardian.balaj12@icloud.com me numër telefoni 044555455;
2. **Z.Romeo Karabeci**, shtetas shqiptar, lindur më 02.07.1990 në Tirane dhe banues në Tiranë identifikuar me Pasaporten me Nr.Karte BB8000079, Nr.personal J00702062G, email: karabeciromeo@gmail.com me numër telefoni 0692712421 ;
3. **Z.Klajdi Gjumsi**, shtetas shqiptar, lindur më 09.09.1997 në Tirane dhe banues në rrugën “Valentina Pistoli” Tiranë identifikuar me Kartën e Identitetit me Nr. Karte 033616309, Nr. personal J70909045S, email: klajdi.gjumsi@hotmail.com me numër telefoni 0685559865;

**Neni 2: Personaliteti juridik**

2.1 Shoqëria është person juridik shqiptar.

2.2 Shoqëria gëzon të drejta si person juridik shqiptar, që prej datës në të cilën kryhet regjistrimi i saj në Qendrën Kombëtare të Biznesit.

2.3 Shoqëria e ushtron aktivitetin e saj në përputhje me legjislacionin shqiptar dhe me dispozitat e parashikuara në dokumentet themeluese (Akt Themelimi dhe Statut).



**Neni 3: Forma e shoqërisë**

3.1 Shoqëria do të ketë formën e shoqërisë me përgjegjësi të kufizuar, derisa me vendim të Asamblesë së Përgjithshme të vendoset shndërrimi i formës ligjore.

**Neni 4: Objekti**

4.1 Shoqëria **"FIT ZONE" SHPK** do të ketë si objekt të veprimtarisë:

Importe dhe shitje me pakicë dhe të shumicë të produkteve ushqimore të ndryshme, suplemente, ushqime proteinike etj .

**Neni 5: Kohëzgjatja**

5.1 Shoqëria **"FIT ZONE" SHPK** kryen veprimtarinë e saj tregtare për një periudhë kohore të pacaktuar derisa të vendoset ndryshe nga Asambleja e Përgjithshme.

5.2 Shoqëria fiton personalitetin juridik në datën e regjistrimit në Qendrën Kombëtare të Biznesit dhe nga kjo datë ajo mund të fillojë të ushtrojë aktivitetin tregtar deri kur me vendim të Asambleja e Përgjithshme të vendoset prishja e shoqërisë ose kur shoqëria mbaron në një nga mënyrat e parashikuara në ligjin "Për tregtarët dhe shoqëritë tregtare".

**Neni 6: Selia**

6.1 Selia e shoqërisë do të jetë në Tiranë, në adresën: Bulevardi "Bajram Curri", përballë ish-ekspozitës "Shqiperia Sot".

6.2 Me vendim të Asamblesë së ortakëve selia e shoqërisë mund të ndryshohet, mund të hapen degë, dhe zyra përfaqësimi të saj brenda dhe jashtë Shqipërisë.

**Neni 7: Vula e Shoqërisë**

7.1 Shoqëria do të ketë vulën e saj duke shënuar në të emërtimin tregtar ose initiale.

**Titulli II**  
**Kapitali**

**Neni 8: Kapitali Themeltar**

8.1 Kapitali themeltar i shoqërisë do të jetë 100.00 (njëqind) Lekë, i zotëruar plotësisht nga ortakët si më poshtë:

Emri	Perqindja %	Kuota (pjesë)	Vlera e Pjesmarrjes
Ardian Balaj	33.33 %	1	33.33 (Lekë)
Romeo Karabeci	33.33 %	1	33.33 (Lekë)
Klajdi Gjumsi	33.34 %	1	33.34 (Lekë)

8.2 Ky kapital është i ndarë në (tre) kuota të zotëruara nga tre ortakët.

8.3 Kapitali themeltar do të depozitohet ne një Bankë në Shqipëri, me një llogari të hapur në emër të shoqërisë në formim e sipër.

**Neni 9: Kuotat, të drejtat e lidhura me to**

9.1 Çdo kuotë jep të drejtën e nje vote për të marrë vendime sipas ligjit nr. 9901, datë 14.04.2008 "Për Tregtarët dhe Shoqëritë Tregtare", i ndryshuar.

**Neni 10: Kuotat. Fitimi, Transferimi i kuotave**

10.1 Kuotat e kapitalit të shoqërisë mund të fitohen nëpërmjet kontributit në kapitalin e shoqërisë, shitblerjes, trashëgimisë, dhurimit, apo çdo mënyrë tjetër të parashikuar me ligj.

10.2 Ortakët mund t'u shesin të tretëve kuotat e tyre të kapitalit pjesërisht ose tërësisht, por pasi t'ua kenë ofruar për blerje ortakëve brenda shoqërisë me kushte jo më pak të favorshme nga ato që do j'u ofrohen të tretëve. Oferta u komunikohet me shkrim ortakëve, të cilët kanë të drejtën e parablerjes, e drejtë të cilën duhet ta ushtrojnë me njoftim me shkrim brenda 30 ditëve nga data e komunikimit, në të kundërt oferta konsiderohet e refuzuar prej ortakëve që gëzojnë këtë të drejtë. Transferimi i kuotës

tek të tretë sipas këtij paragrafi në cdo rast do të kryhet pas dhënies së miratimit nga asambleja e ortakëve.

### Titulli III Asambleja e Përgjithshme

#### **Neni 11: Asambleja e Përgjithshme. Thirrja e mbledhjes. Marrja e vendimeve. E drejta e votës**

- 11.1 Asambleja e Përgjithshme, si organ kryesor i shoqërisë sipas ligjit “Për Tregtarët dhe shoqëritë tregtare” përfaqësohet në këtë shoqëri nga ortakët e saj.
- 11.2 Asambleja e Përgjithshme thirret me shkresë ose nëpërmjet postës elektronike jo më vonë se 7 (shtatë) ditë përpara datës së mbledhjes, në adresat e përcaktuara në dispozitën “Njoftimet” më poshtë. Njoftimi duhet të përmbajë: ditën, orën, vendin ku do të mbahet mbledhja si dhe rendin e ditës. Njoftimi bëhet nga Administratori i shoqërisë apo nga cdo ortak i cili përfaqëson të paktën 5% (pesë përqind) të totalit të votave në Asamblenë e Përgjithshme.
- 11.3 Asambleja e Përgjithshme duhet të thirret të paktën një herë në vit për të vendosur për çështje të tilla si miratimi i bilancit dhe pasqyrave financiare, miratimi i raportit të auditimit të shoqërisë.
- 11.4 Mbledhjet mbahen në selinë e shoqërisë, apo edhe në një vend tjetër të njohur nga ortakët.
- 11.5 Vendimet merren nga Asambleja e Përgjithshme në varësi të çështjes për të cilën do të merret vendim dhe sipas shumices së përcaktuar në ligjin nr. 9901, datë 14.04.2008 “Për Tregtarët dhe Shoqëritë Tregtare”, i ndryshuar.

#### **Neni 12: Kompetencat e Asamblesë**

- 12.1 Asambleja e Përgjithshme është kompetente për marrjen e vendimeve për shoqërinë në lidhje me çështjet e mëposhtme:
1. Përcaktimin e politikave tregtare të shoqërisë;
  2. Ndryshimin e Statutit;
  3. Emërimin/shkarkimin e Administratorit, ekspertëve kontabël, likuidatorëve;
  4. Mbikqyrjen e zbatimit të politikave tregtare nga Administratorët përshirë përgatitjen e pasqyrave financiare vjetore dhe të raporteve të ecurisë së veprimtarisë;
  5. Miratimin e pasqyrave financiare dhe të raporteve të ecurisë së veprimtarisë;

6. Shpërndarjen e fitimeve vjetore dhe mbulimin e humbjeve;
7. Kryerjen e kontroll-revizionit financiar të shoqërisë me ekspertë të caktuar prej saj;
8. Të vendosë për zmadhimin dhe zvogëlimin e kapitalit;
9. Të vendosë për riorganizimin dhe prishjen e shoqërisë;
10. Çështje të tjera që janë të rëndësishme për aktivitetin tregtar të shoqërisë.

**Neni 13: Përfaqësimi në Asamble**

13.1 Ortaku merr pjesë personalisht në mbledhje dhe në pamundësi të pjesëmarrjes personale, ai mund të përfaqësohet në mbledhje nga një person i tretë ose edhe nga një ortak tjetër i shoqërisë. Autorizimi/prokura duhet të ketë të përcaktuar qartë kompetencat e përfqësuesit si dhe të drejtat e tij lidhur me vendimarrjen në mbledhje.

**Titulli IV  
Administratori**

**Neni 14: Administrimi i shoqërisë**

1. 14.1 **Administrator i parë i shoqërisë do të jetë: Z. Romeo Karabeci**, shtetas shqiptar, lindur më 02.07.1990 në Tiranë dhe banues në Njesia Bashkiake nr.11, Rr Koli Bano 056 1, Tiranë, identifikuar me Pasaporten me Nr.Karte BB8000079, Nr.personal J00702062G, email: karabeciromeo@gmail.com;

14.2 Kohëzgjatja e mandatit të tij është 5 vjet me të drejtë ripërtëritje.

**Neni 15: Të drejtat dhe detyrimet e Administratorit. Përgjegjësitë**

15.1 Administratori ushtron kompetencat e mëposhtme:

1. Kryen të gjitha veprimet e administrimit të veprimtarisë tregtare të shoqërisë duke zbatuar politikat tregtare të vendosura nga Asambleja e Përgjithshme;
2. Vepron me të tretët në emër dhe për llogari të shoqërisë brenda kompetencave të parashikuara në statut apo/dhe në ligjin "Për tregtarët dhe shoqëritë tregtare".
3. Kryen emërimin dhe shkarkimin nga puna të punëmarrësve të shoqërisë.
4. Jep urdhra dhe udhëzime punëmarrësve dhe vendos sanksione ndaj tyre, në

- përputhje me kontratat e punës dhe rregulloret e brendshme të shoqërisë;
5. Drejton dhe organizon punën në mënyrë të tillë që të sigurojë suksesin e shoqërisë në veprimtarinë e saj ekonomiko-financiare;
  6. Te raportoje para Asamblesë se Përgjithshme sa herë që Asambleja e kërkon si dhe në rastet kur është i nevojshëm raportimi në lidhje me zbatimin e politikave tregtare dhe me realizimin e veprimeve të posaçme me rendësi të veçante për veprimtarinë e shoqërisë tregtare.
  7. Të zbatojë vendimet e marra nga Asambleja e Përgjithshme;
  8. T'i paraqesë në mënyrë të rregullt dhe në kohë të përshtatshme Asamblesë së Përgjithshme, raportin e administrimit, inventarit, bilancin dhe llogaritë vjetore si dhe të përgjigjet për to.
  9. Të ushtrojë të drejta dhe detyrime të tjera të përcaktuara nga ligji Nr. 9901, datë 14.04.2008 "Për tregtarët dhe shoqëritë tregtare".

15.2 Administratori është përgjegjës ndaj shoqërisë ose ndaj të tretëve, për shkelje të ligjit dhe statutit dhe për faje të kryera gjatë administrimit sipas parashikimit të ligjit nr. 9901 "Për tregtarët dhe shoqëritë tregtare" dhe ligjeve të tjera në fuqi.

#### **Neni 16: Mbarimi i mandatit të Administratorit**

16.1 Mandati i Administratorit përfundon:

- me mbarimin e afatit;
- me shkarkimin e tij nga Asambleja e Përgjithshme;
- kur vetë Administratori jep dorëheqjen vullnetarisht.
- sipas mënyrave të tjera parashikuar nga ligji "Për tregtarët dhe shoqëritë tregtare".

#### **Titulli V**

#### **Viti Financiar. Prishja e Shoqërisë. Dispozitat e fundit.**

#### **Neni 17: Viti Financiar**

17.1 Veprimet financiare mbyllen më 31 dhjetor të çdo viti. Administratori merr masa lidhur me nxjerrjen e bilancit të hartuar konform ligjit mbi kontabilitetin dhe pasqyrat financiare.

#### **Neni 18: Mbarimi i Shoqërisë**

18.1 Shoqëria "FIT ZONE" SHPK mbaron:

1. Me vendim të Asamblesë së Përgjithshme;
2. Me hapjen e procedurave të falimentimit;

3. Sipas shkaqeve të tjera të parashikuara nga ligji "Për Tregtarët dhe Shoqëritë Tregtare".

**Neni 19: Njoftimet**

19.1 Njoftimi për ortakët duhet të kryhet sipas adresës së deklaruar në këtë statut.

19.2 Ortaku është i detyruar të njoftojë ndryshimet në adresën e tij.

**Neni 20: Të ndryshme**

20.1 Për çështje që nuk parashikohen dhe rregullohen shprehimisht nga ky statut, gjejnë referim dispozitat e Ligjit Nr. 9901, datë 14.04.2008 "Për tregtarët dhe shoqëritë tregtare".

20.2 Shoqëria "FIT ZONE" SHPK regjistrohet sipas neneve 26, 28, 32 e 35 të ligjit nr. 9723, datë 03.05.2007 "Për Qendrën Kombëtare të Biznesit". Autorizohet Administratori Z. Romeo Karabeci, për kryerjen e të gjitha procedurave të nevojshme me qëllim regjistrimin e shoqërisë në Qendrën Kombëtare të Biznesit.

20.3 Statuti u hartua në 3 (tre) kopje në gjuhën shqipe me vlerë të njëjtë juridike, nga të cilat një kopje për t'u dorëzuar në Qendrën Kombëtare të Biznesit dhe të tjerat për t'u disponuar në dosjen e shoqërisë.

Data: 16.032021

**SHOQËRIA "FIT ZONE" SHPK**

**Themelues**

**Ardian Balaj**

*Ardian Balaj*  
*Balaj*

**Romeo Karabeci**

*Romeo Karabeci*

*AK*

**Klajdi Gjumsi**

*Klajdi Gjumsi*